



Groupe parlementaire

N°2086  
Entrée le 13.03.2025  
Chambre des Députés  
Déclarée recevable  
Président de la Chambre des Députés  
(s.) Claude Wiseler  
Luxembourg, le 14.03.2025  
Chambre des Députés

Här Claude Wiseler  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 13. Mäerz 2025

Här President,

esou wéi d'Chambersreglement et virgesäit, bieden ech lech, dës parlamentaresch Fro un d'Madamm Verkéiersminister weiderzeleeden.

Esou wéi aus den Äntwerten op verschidde parlamentaresch Froen aus der Legislaturperiod 2018 - 2023 ervirgeet, ginn d'RGTRs Busse säit 2016 schrëttweis mat sougenannten Zieler ekipéiert, déi et erlaben, déi reell Passagéierzuel prezis ze erfaassen an deementspreechend ganz detailléiert Erkenntnisser baséierend op der Streck, Auerzäit asw. ze gewannen. Esou wéi aus der Äntwert op meng deemoleg Fro Nummer 5857 ervirgeet, missten allerspéitstens säit Enn 2023 entspreechend Zuelen iwwert d'Zesummespill vun der Offer an der Demande virleien.

An deem Zesummenhang géif ech der Madamm Verkéiersminister gär dës Froe stellen:

- 1) Goufen déi genannten Zieler méttlerweil fir eng national Etude iwwert d'Passagéierzuelen am Busberäich agesat? Falls jo, wéi eng Conclusioun goufen zeréckbehalen? Falls net, firwat net?
- 2) Kann d'Madamm Minister eng Tabell presentéieren, déi regruppéiert, zu wéi engen Upassungen déi bis ewell erfaassten Daten insgesamt gefouert hunn an dobäi preziséieren, wéi wäit et sech ëm d'Upassung vun den ugebuedene Linnen, ëm eng Upassung vun den Horairen a wéit ëm eng Upassung vun der Kapazität vun den agesate Gefierer un déi reell Passagéierzuelen handelt?
- 3) Wéi wäit ginn déi erfaassten Date benotzt, fir déi klassesch Bussen a Regione mat mander Nofro duerch Minibussen, déi och mam Füherschäin vun der Kategorie B kënne gefuer ginn, ze ersetzen an domat den Drock am Rekrutement ze reduzéieren?

Mat déiwem Respekt,



Jeff Engelen  
Deputéierten